

**Brigheide Gnade vñ Aflat
der woldeder medebrodere**

vnde sustere. des ordens sunte Anthonij. vñ de gen
nē de de kerken vñ bedehuser des sulue ordēs myt
andacht soken. vnde den armē geplagedē de in erē
hospitalē ligghen iarlick myt erē almiffen to hulpe
kamen. Vch warastigen bewerden apenbarlyken
scriftē vñ pewesliken bullē tohope ghesammelet.

Faint, illegible text, possibly bleed-through from the reverse side of the page.

Item de paves Innocēcius de verde des namē
Inm̄ negeden iare synes pawesdomes als he dat
mael myt wesen to parus ghelegē. hefft allen myns
wē de de broderen edder domherē Sūte Anthonij
offte eren geschickede bode suluer edder golt to bra
kē edder gans. kleydere. edder sus mit hulpe na vor
moge ichteswat geuē. beschee de edder to schickē. ed
der doch andere lude wat geuen offte to schickē ed
der helpē ghift he so se ghebyctet hebbē vñ warasti
ghe bote gedan. eyn iar aff lat vnde vertych dage
vnde dar to vorlatynge des souede deeles vpgejet
ter bote

Item de sulste paves in deme sulcē iare vñ stad
heft ghegeuen allen vorghenomede woldederē vñ
woldederynnē des ordens sūte Anthonij vorlatin
ghe aller degeliker vñ alle vorgetener sūde.

Item de sulste paves Innocencius hefft ock allē
vorbenomeden woldederē vñ woldederynnē vor
laten alle ghebrokene vñ nyct gheholden ghelofte
Wchghenamen. so eyn hefft ghelauet to iherusalē
to reysende Ewyghe kusheyt to holdende. edder in
eyne ghestliken orden tho ghande. vnde doch also
dat men myt den sulcē personen redeliker wyse dys
pensere vñ de ghelofte de se ghebroken hebben den
broderen Sūte Anthonij bōten. almyssen gheue
scholen. to enthōdē de de armē lude. so by en in erē
hospitalen ligghen

Item de sulste paves i der vorbenomēde stade
vñ tyt hefft allen woldederē vñ woldederynnē des
ordens sūte Anthonij vorlent dat se also vele quade

gewettē bezort. mogē entbūdē werden vā der aue
tredinghe des gelouen. dat is offte eyn in ketterye
gheuallē were. so mach he so vele dat ghereten ans
gheit. dar vā obsolueret werden.

¶ Item de sulffte pawes in der vorgenomedē stad
vñ tyd heffe allē woldederē vñ woldederinē tolatē
dat se moghē entbūden vñ absolueret werden van
allen valscken eeden edder swerē. so verne se eneme
anderen nicht schedelik synt.

¶ Item de sulffte pawes in der sulue stad vñ tyd
heffe ghemelikē allen woldederen vñ woldederynē
vorlatē alle vnnutte wort vnde vnnutte dankē de
nycht myt sunderliker vulbort bewyllet syn.

¶ Item de sulue pawes in der vorberordē stad vñ
tyd heffe dē woldederen vñ woldederynnē vorlatē
de vorsumenheyt der ghebrokene vire der hylligen
daghe. vñ sunderlick so yemant dē hylligē sondaes
vorsumeliken gheviret offte gebraken hadde.

¶ Item de sulue pawes in der suluen stad vñ tyd
heffe ock allē woldederē vñ woldederynnē vorlatē
de bosen gudere vormiddelst woerie edo sijn ouel
ghewūnē. wēme yd nicht enweeth wēme de sulften
gudere weddergheuen schal.

¶ Item de sulue pawes in der suluen stad vñ tyd
heffe dē woldederē vñ woldederinē des ordens vñ
den plagheden sunte Anthonij vorlenet myt eren
olderen doden vnde leuendyghen tho ewyghen
tydē scholen delafftych werden aller guden wercke

der hillighe Romeschen Kerken vn de der bedienare
tho deme hyllighen lande tho iherusalem.

Item de paves Alexander de verde des namens
yn deme anderen yare synes pavesdomes also he
to Auinion den hof hadde. heft gegheue alle den
de iarliken vā eren guderē ychtes wat gheuen effte
sus gud dōn dē broderē sancti Anthonij tho enthōl
dende de armen gheplagedē mynschē de se an eren
hospitalē voden. vorlatinghe des souēdē deles erer
vpghesettedē bothe.

Item de paves Clemens de verde des namens
in ersten yare synes pavesdomes also he dat mal
to perus ys ghewesen heft ghegeuen dessen afflat
welck mynsche na vormoghe sines gudes vnde na
vmeestādicheit effte mānychuldicheyt syner sunde
den armē gheplageden mynschen de in dē hospita
lē sunte Anthonij lyggen. syne almyssen gyfft so de
sulue mynsche de so almyssen myt andachter wyse
gyfft inwēdich dat iar edder in dem ambegine des
iares dar he sodan almyssen ine giff. gebychtet vñ
myt nōastigher bote staruet. schal ock vā sunderly
ker gnade vā alle synē sundē entbunden syn. vnde
vordenen vultamen vorgeuinghe alle syner sunde
Vñ este ein meēde dat disse afflat vñ gnade dorck
ecllyke papestlike breue scholde wedderropē edder
vpgeschut sin. dar vme so heft de paves inocētius
de achte des namens in deme anderē iare synes pa
wesdomes also mē screeē heft na cristy vnser herē
gheboort **M** cccc. dar na ym sos vñ achtigestē yare

tho rome in sunte peters pallas dyt aflat vñ gnade
noemelyck dat de mynschē na vormoghe erer gu-
dere vñ na vñestēdicheit erer sunde to enholdighe-
der armē geplagheden mertelizer te in den hospita-
len sancti Anthonij syndt ere almyssen gheue. so se
binē iares. edder in ābegine des sulue iares gebich-
te vñ myt rechte ruwe vñ leede steruen. vordenen
scholē vorgeuighe alle erer sunde. vā nyge bestedy-
ghet vñ beuestiget. dat dat sulue afflat to ewyghen
tyden warē schal. vñ oft ock sulck aflat vñ gnade
yn eyner menen dorck den pawest Sixtū te verde
des namens dorck erlike syne pawestlike bullē te he-
in negede yare synes pawesdomes als mē scres na
cristi gebort dusent verhūdere vñ dar na in achtige-
sten iare tho rome in sunte peters pallas dem orden
sancti Anthonij gegheue wedder toropen effte vpa-
ghehangen syn. de siffte pawes inocēcius de achte
de vth pawestlike macht so dan wedderropinghe
vnde vormynēt holt machelōs. vñ gyft te suluen
gnade vñ aflat der vorgeuighe aller sunde. welyck
ock dorck den pawes Clemētē den verde bestedy-
get vñ gegheue synt yn ere vorige kraft vñ macht
te se gehat vorhen hebben vnde dar in se ghewest
syndt er dan solliche vphenghige edder wedderro-
pinghe van pawest Sixto dorck te vorbenomedē
bullen vthghegangen synt.

¶ Item te pawes Clemens te verde des namens
in deme crstē iare synes pawesdomes also he to pe-
rusz ghewesen ys heft allen presteren ghewyget
vnde geystlykē personen mānen vnde vrouwen te

vlytlyck forderen de bōdeschōp sancti Anthonij ed
der vā eren guderē ichteswat den armē geplaghetē
mynschē ghenē. de gnade vorlent dat en vorlaten
werdē alle vorsumelycheit tē se yn den ambachten
der hillighē tyde vñ in anderen gadesdenste dorch
gebrecte der boke. vnmogelicheit edder vorsumige
edder dorch krankheit eres lyues gedan vñ vorbra
ken hebben. de sulue gnade hefft bestedighet vñ ock
vorlent paves Sixtus de iij so genomēt in iy iare
synes pavesdomes to rome yn sunte peters palles
als me screeff na crysti gebore dusent verhūderē dar
na in achttyghsten iare.

¶ Item de paves Clemens de verde so genomēt
in dem erste yare synes pavesdomes also he was to
perusz heft allē woldederē vñ woldederinē der ar
mē mynshē vñ tē kercken sancti Anthonij besoker
vorlent ysser sake dat se bychten vñ betere ere sūnde
edder syn in menighe dat sulue iar to bichte. so scho
len se an tē twelf feste nomelyck an daghe der ghe
bort cristi. an dem nigēiares daghe. an der hillighen
drekonighe dage. an paske dage. an vnser herē hē
melfart dage. an pinyte dage. an der hylligē drefol
dicheit dage. vnde an tē feste vnser leuē frouwē. besū
derliken an vnser leuēfrouwen lichtmissen dach. an
vnser leuen frouwē daghe der gebore. an vnser le
uenfrouwē dach do er de engel de bōdeschōp brach
te. an vnser leuen frouwe kruzwinghe. vnde an
tēme feste des hyllighen vaders sancti Anthonij
an yslyken daghe vordenen souen yare vnde so
a iij

vele quadragenē gnade vñ afflat vñ dorch de gā
sen achtedage eyns iurwelikē vpghescreuē festes. vp
iurweliken dach eyn iar vñ xl daghe.

¶ Item de sulue paves Clemēs hefft allē woldede
ren vñ woldederinnen des ordens sancti Anthonij
vñ den de de kerckē des suluen ordens soeken gheue
vñ vorlent alle sondaghe dorch de gansen vaste vp
iurweliken sondach eyn iar vñ vertych dage afflat.

¶ Item de sulue paves Clemēs hefft allē woldes
deren vñ woldederynnē vñ den de de kercken sunte
Anthonij besoken vorlent vñ ghegeue tho ere dem
bytterē lydēde cristi alle frygdage dorch dat ganse
iar vp eynē yslykē frygdach eyn iar vñ vertych da
ghe afflat.

¶ Item de paves syxtus de verde des namēs vñ
negeden yare synes pavesdomes als men screff na
cristi gheboort dusent verhūdert vñ de achttych iare
hefft to rome i sunte peters pallas. dat vorgenomes
de afflat vā dem pavesse Clemens an de festē vñ de
daghe ghegeuen vorniget vñ de bestedyghet vñ de
wyder vthgestreckt vñ vormeret. vp dat de mins
chē an den vorbenomedē festē vñ daghe de kercken
sancti Anthonij soeken vñ de dar tho ere hulplyken
almysen gheuen scholen.

¶ Item Vñ hyr is tho merkēde datryn quadrage
ne nach menighe der lezer bedudet de bothe vertych
daghe myt den navolgheden souen yaren. vñ also
vordenē de woldedere vñ woldederynnē der armē

geplagheden mynschen de dar lygghe in de hos-
pitalē scti Anthonij vñ de yennē de de kerken sancti
Anthonij besokē vñ de gēnen de ere hulplyke mylde
hant dar to rectē. vp eynē iuwelikē dach der bauer
ghescreuē feste. lvi iar vñ twehūdert vñ achtentych
daghe gnade vnde afflat. vnde auer de achtedage
eynes yuwelyken festes souē yare. vñ twehundert
vñ achtentych daghe. vnde also maket de summa
alles afflates de de woldedere vñ woldederinē des
ordens sancti Anthonij vnde de yēne de ere kerken
besoken edder dar to ere hulplike almessen gheue ein
yarlanck an de genomētē feste myt ere octauen vñ
anderē benometē dagen van den ghenāten pawese
Cemens vordenē mögen achtehūdert vñ xvi yar
vnde negen dusent cc vñ xx daghe.

Bauer dat afflat der vorgeuinghe aller sūde vñ
vorlatinghe des souetē deyls der vpgesetterē boete
bauer berort.

Item de mynschē de de bedehuser effte kerke scti
Anthonij myt andacht besoken edder sust cho ent-
holdynghē der armē mynschē de broterē edder ba-
dē sancti Anthonij ichteswat geue vordenē vā den
naghescruē pawesten dyt aflat.

Item Tho dem erste van dem paweste Bonifacio
dem achten so genomēt. ein iar vñ ein quadragenē

Item vā dem pawesse urbano deme vyften des
namens eyn iar vnde eyn quadragenē

Item Van deme paves Gregorio deme souerde
des namens eyn iar vnde eyn quadragene.

Item Van deme paves Gregorio deme elften
des namens twe iar vnde twe quadragenen.

Item vā dem sulue paves gregorio deme elften
noch dre yar vnde dre quadragenē. vnde dat sulue
afflat hefft de paves Sixtus de verde so geheten
ime neghetē iar synes pavesdomes also men scress
na cristi gebort dusent verhūdert vñ dar na i deme
achtigestē iare to Rome in sunte peters pallas beste
diget vñ bekrefftiget vñ sunderlick ock vorbreydet
vñ vormeret. vp dat de minsche de a de vpghe nā te
festē daghe vñ tiden de kerke sancti Anthonij beso
ken vnde dar tho ere behulplike handt edder almif
sen don vnde gheuen.

Item de paves Sixtus de verde so genommet vñ
synē negedē iare synes pavesdomes also mē scress
na cristi gebort dusent verhūdert vñ achtētich iar to
rome in sunte peters pallas hefft allē vñ eynē iurwe
liken woldeder vñ woldederinē des ordens sancty
Anthonij. ock de ere kercke bosokē. vñ den de dar
tho ere mildē almiffē geue a de festē. der ghehort xpi
ā nigē iarsdaghe. ā der hilghē dreyonige dage ā pa
sche daghe an vnser herē hēmeluare dage ā pinxte
dage an der hylgē dreyoldicheyt daghe ā dem da
ge der gebort mariē ā dem dage vnser leuē frouwen
lichtmissē. ā dage als mariē de bōtesshop wart ge
bracht vā dem engel. ā dem dage vnser leuē frouwē

Erucwiginge. vñ an dem daghe sancti Anthonij ge
geue vñ vorlenet an iuwelykem daghe der vorghe
nantē feste viff iar vñ so vele quadragenen. maket
an iuweliken daghe der vpgenomedē feste vertych
yar vñ twehūdert daghe. maket eyn iar auer an tē
twelf feste bauē beroret verhūdert vñ achtētych iar
vñ twe dusent vnde verhundert daghe.

Item alle vpgescreuenē afflat ys dor. den pas
wes innocētū den achtē so genomē in dem anderē
iare synes pawesdomes also me screff na cristi ghes
bort dusent verhūdert vñ sos vñ achtētych iare to ro
me in sunte peters pallas van nige bestedyghet. vñ
dat inhouden de pawestlikē bullē van synē voruas
derē gegheuen. ock den woldederē vñ woldederinē
vñ den gheue tē tē kerckē sancti Anthonij besoken
vnde den de dar tho ere hulpe don so ghelyker vys
ghegeuen vnde vorlenet.

Item Sūma summarū alles aflates den wolde
derē vñ woldederinen. vñ den de kerckē sancti An
thonij in den vorsechtē tyden vñ dagen besoken vñ
tē tē ere almyssen to dem gebuwete der kerckē geue
van allē vpgherordē pewestē ghegeue vñ vorlent
maket eyn yarlāck dusent ccc. vñ. ly. yar. vnde dar
tho eluendusent achtēhūdert vñ vertych daghe.

**Hir na volget de vrigheide
gnade vñ aflat der broder-
schop sancti Anthonij besunderliken.**

Item de paves aleyander de verde des namēs
yn deme anderen yare synes pavesdomes also he
was to auiniona heft vorlent vnde ghegheuen dē
mīschē de an sich nemen de broderschop sancti An
thonij vnde dar yn blyuen de gnade frigheit. est ere
kerpelkerke dar se inhore swyghē edder ban mōstē
holden vñ de sulue brodere effte susterē der broder
schop sunte Anthonij in der tyt de wyle dat de ban
waret storuen. scholen se vā eren kerckheren vp den
kerckhoff begrauē werdē. id enwere dēne sake dat se
myt namen vorbannē weren edder dat se apenbar
licke woekener werē. vnde so de prelaten der kerken
nycht gūnen wolden de suluen doden also begras
uen. so mogen de broder sancti anthonij desse sulue
vorstoruē in ere kerke dreghe vñ dar suluest begras
uē. doch einē iuwelikē syner rechticheit vnschedelik

Item de brodere vñ susterē der broderschop sūte
Anthonij moghen twye iñ iare wen dat en geleuet
vā dē regerer erer kerpelkerke. edder van eyneme
presterē des ordēs sancti Anthonij vā allē vñ iuwe
lyken ordel des bānes suspēsiē vnde ynterdykt vñ

anderen gheslikē cēsuren ordelen vñ penen. vñ dar
tho ock vā allē ezen sunden laster vñ auertredinge
dar van se in ezen herten. rruwe vñ leyt hebben Vñ
de se myt deme mūde bychten. allene de stucke vth
gheslotē. de deme pawese beholden syn. afghelose
vñ entbūden werden. vñ ghenantē regezer der kars
pelkerkē edder de prestere des ordens sancti Antho
nij moghē den sulue broderē vñ susterē der broders
schop sancti Anthonij. alle ere gheloffthe yn andere
gude werke fryg vñ temeliken vādelen. Vthghena
mē allene de gheloffte de ein ghelauet heffe auer dat
mer to tende tho iherusalē. edder tho rome. edder tho
sunte iacob to cōpestell. edder in eynē geestlikē ordē
tho gande. vñ ewighe kuscheyt to holdēde. vñ desse
frygheyt schal to ewyghē tydē warē. vñ oft to tidē
de bycht breue in eynē ghemeynen in tho kamēdē
tyden dorck pawestlike bullen wedder ropē edder
vpgheschuttet wōrdē So schōlē doch dusse bycht
breue alweghe ere bestant beholden. vñ nyht wedd
ropen offte vpgeschuttet werdē. yd en worde denne
myt claren wordē desses indultes edder aflates ge
nomet vñ apenbarlyck vthgedrukter. desulue fryg
heyt heffe dē broderen vñ susteren der broderschop
sancti anthonij de pawes Sixtus de verde so ghen
met ghegeuen yn deme iaresynes pawes domes tho
rome in sunte peters pallas als mē screff na chrysti
gheboort dusent verhūdert vnde achtentich iar.

Item de pawes Innocencius de achtede so ghe
nomet in deme anderen iare syns pawes domes als
me screff na cristi gheboort dusent verhūdert vnde
foes vñ achtentich iaer tho Rome in sunte Peters

pallas hefft desse vpgescreuene frygheyet vñ p
westliker ghewalt bestediget. vñ van nyge vorbrei
det vñ vormeret. besunderē dat de brodere vnde sus
stere der broderscop sancti Anthonij twye in deme
iare wēner en dat lustet kēsen moghen cynen bycht
vader geystlick offte wartlick Vñ welken orden se
wyllen. vnde de sulue so he prester is vnde sus dar
tho nogastich is mach de suluen brodere vñ sustere
der broderscop sancti Anthonij vā alle eren sundē
absolueren vnde entbynden Vnde ock alle ere ghes
loffte en vorwandelen in andere gude wercke myt
bescheede vñ wyse alze bauen bezoret is.

Item de Jennen de dar sammelen. edder ghe
truweliken annemen de almyssen der broderscop
sancti Anthonij. vñ de de brodere vnde sustere der
broderscop sancti Anthonij in de broderscop nes
men. hefft de paves Aleyādet de verde des namēs
in deme anderen iare synes pavesdōmes tho Auis
nion. do he dar was in bescerme des hylligen Ro
mesckē stols ghenamē. doch also dat eren Erbarē
heren vnder den se wanen an erer gherechticheyt
neen ghebrecke sche.

Item de paves Bonifacius de achrede so ghen
met In deme x iare synes pavesdomes to rome
in sunte peters pallas hefft den broderen vñ sustere
der broderscop sancti Anthonij de gnade vñ fryg
heyet ghedan vñ ghegeuen. wo se iarlick ichtes wat
dem eordē sancti Anthonij to hulpe kāmē. de armē
lude mede to holden. offte gheuen vā eren guderen
edder sus deme ordē edder den broderen sancti An

thonij ghuut don. so scholen se nycht vorplichet synt
dat cleyt des ordens an sich to nemen. edder ere gis
dere gang deme orden eghen to gheue. Unde scho
le doch allick woel alles afflates dat va de hyllyge
peweste to der broderschop sancti Anthonij ghege
uen delaffich werde. vn sunderlick schole se ghebru
ke der frygheyt der ghrast an ghewygheden stedē
wo se in der tyt des bannes steruen.

Item de paves Aleyander de verde des namē
in deme anderen iaere synes pavesdomes to Auis
nion do he dar den hoff helt. hefft allen mynschen
de syck in de broderschop sancti Anthonij scriuen
late. ghegeuen vorlatighe des souenden deeles erer
vpghesetten bote.

Item de paves Sixtus de iij. so ghenomet in
deme negeden iaere synes pavesdomes to Rome
in sunte peters pallas also me screff na cristi ghes
bort duseut verhudert vn achtētiē iaere. hefft allen
broderen vn susterē der broderschop sancti Anthonij
wor se synt in allen stedē vorlent vn gheuen. An
den festen der gheboort cristi An nygen iars daghe
An der hilligen dretuninghe daghe. am pascheda
ghe An vnser herēhemelfart daghe. An pinxteda
ghe. An der hyllyghē dreuoldichēyt daghe. An da
ghe vnser leuēfrouwē gheboort An vnser leuenfrou
wen lychmyssen. An vnser leuēfrouwē daghe also
er de Engel de bōdesschop brachte. An vnser leuen
frouwē daghe der Cuitwygynge. Unde an sunte
Anthonius daghe. vpiewelick fest v. iar vn so vele
quadragen. Maetē vp islik fest. xl. iar vn cc. dage

Ite Sūma des afflates de de brodere vñ sūstere
der broderschop sc̄i Anthonij eyn iar lanck allene
darmede dat se in der broderschop syn. vordenē mo
ghē ādere frygheyt gnaden vñ afflat hir vor gesat
Maeker verhūdert vñ achtēdich iar. vñ twe dusent
verhūdert daghe. vñ dar to vorgeuighe des souen
den deles erer vpghesetten bote.

Item de paves Innocētius der achtete des na
mens in anderen iare synes pavesdomes als mē
schreff na cristi gebort. dusent verhūdert vñ so sond
achtēdich iare hefft to rome in sunte peters pallas
alle vñ iurwelike vpghescreuene fryghiet begradis
ghe afflat vñ vorgeuige der sunde bestedyget vñ
vorniget. alze ok dēne inholdē de paveslichen bul
len syner vorvederen